

Dahmeiz caeuq Daegvaenz caemh aen hagdangz doegsaw. Gangj naeuz dwg aen hagdangz, cix mbouj gvaq dwg aen ranzvax hoengq ndeu. Ndawde hagseng mbouj lai, suenq bae suenq dauq hix mbouj mauh gij nienzgeng aen ranz gaeuq neix. Yienznaeuz gizneix hagseng daj song aen mbanj daeuj, hoeng gyoeksuenq daeuj hix mbouj rim bak vunz, aen ranz gaeuq neix cix miz bak geij bi nanz lo.

Bihaenx guh hagdangz, song aen mbanj neix ranzranz dwg hojndog raixcaix, cungj youq gij ranz gaeuq—getget vaihvadvad ndwi. Comz ndaej di ngaenz haenx cungj mbouj gaeuq guh aen ranz moq, couh naemj naeuz coih aen ranz gaeuq neix guh hagdangz lo.

Dahmeiz youq aen mbanj Bouxgun lajbya, Daegvaenz youq aen mbanj Myauzcuz gwnzbya. Song aen mbanj haemq doxgyawj, yienznaeuz vunz gak mbanj mbouj caemh aen minzcuz, hoeng gij lwgnyez cix caemh youq doxhuz dangqmaz. Dahmeiz caeuq Daegvaenz couh yienghneix youq aen hagdangz gap baenz baengzyoux ndei lo.

Songde cuengqhag ciengz laeglemx doxiu bae laj goleux laeng hagdangz guhcaemz. Dahmeiz eufwen rwenzrd, Daegvaenz boq venz ndei—dingq raixcaix, song boux de ciengz guh fwen diuqfoux angq dwk lumz doxbiek bae. Seizgan nanz le, gij saeh “mimiz” songde couh deng gyoengq doengzhag rox lo. Gyoengq doengzhag loengh riu songde, naeuz Dahmeiz



Doxgyaez Mbouj Miz Loek

相爱没有错

□ Cungh Yujgingh / 钟汝荆

caeuq Daegvaenz lumj goeng' yah nei. Songde dingq le hix mbouj euq naeuz maz, hoeng song ranz bouxlaux dingqnyi le couh mbouj doengz lo, sikhaek ra lwg bonjfaenh ma cam dwg mbouj dwg doxgyaez lo. Songde cungj bi' gyauej laglag naeuz mbouj miz gij saeh neix, dwg bouxwnq luenh gangj luenh vab.

Mboujguenj dwg mbouj dwg doxgyaez, bohmei Daegvaenz cij rongx naeuz mbouj cinj hawj Daegvaenz bae gyawj Dahmeiz lai, mboujnex couh mbouj hawj de bae doegsaw lo. Bohmei Dahmeiz hix fok ndaq naeuz mbouj cinj Dahmeiz caiq bae caeuq Daegvaenz guhcaemz, danghnaeuz caiq bae couh moeb ga de raek bae.

Laxlawz gizneix geij bak bi daeuj, cojcoeng Myauzcuz gvidingh lwgmbauq Myauzcuz cij ndaej au lwgsau Myauzcuz guh yah, lwgsau Myauzcuz hix cij ndaej haq hawj

lwgmbauq Myauzcuz guh maex. Youq mbanj Myauzcuz, bouxlaux mbouj—guenj lwgnyez ra youx caeux roxnaeuz ceiz, hoeng danghnaeuz mwngz ra boux vunz minzcuz wnq couh mbouj baenz. Danghnaeuz miz bouxlawz itdingh siengj caeuq vunz minzcuz wnq doxaeu, gyoengqlaux couh nyinhnaeuz mwngz vaih fungsug、vaih gvi' gawj, yaek gyaep mwngz deuz ok mbanj bae, mbouj hawj mwngz dauq haeuj mbanj yamq he.

Deng bohmei naeuz gvaq le, Daegvaenz caeuq Dahmeiz cix mbouj dang maz saeh, lumj aen ranzvax hagdangz gvaq bak bi deng fwn soen rumz ci cungj mbouj doemq roengz doxdoengz, songde lij laeglemx guh baengzyoux. Vihliux mienx ndaej caiq deng ndaq, couh mbouj bae eufwen diuqfoux lo. Ngoenznaengz youq hag—dangz lij ciuqgaeuq dwg song boux baengzyoux ndei. Daegvaenz haenh Dahmeiz maj ndaej baenzsau, heuh de

guh “Meizdizyaz” ——Beixnuengx Myauzcuz baenzneix danq duj va gyaunde, youq ndawsim Daegvaenz, Dahmeiz couh lumj duj va lengj. Byawz rox, gij gamjcingz songde ngoenz beij ngoenz naekna!

Gvaq mbouj geij nanz, songde couh bae gwnz haw doeg cuhcungh lo. Gij swnghhoz diuzgen baihrog beij ndaw rungh ndaw bya ndei ndaej lai, mbouj rox mbouj nyinh, lwghag ndaw rungh ndaw bya gag mbouj nyienh caeuq lwghag gwnz haw guhdoi guhcaemz. Gij doengzhag daj ndaw bya daeuj mbouj lai, Daegvaenz couh caenh ngoenz caeuq Dahmeiz guhcaemz. Hagdangz liz ranz gya, bohmei hix guenj mbouj ndaej lwg baenzlai lo, Daegvaenz youh dauq ndaej caeuq Dahmeiz mwh ndaej—hoengq couh caez eufwen diuqfoux, caez yawjngonz ndaundeiq gwnz—mbwn……

(caengz sat)

Duzlingz Lauz Ronghndwen

猴子捞月亮

□ Vangz Fungmingz / 黄凤明

Miz duzlingz iq ndeu youq henz cingjraemx guhcaemz. De baez yawj roengz ndaw cingjraemx bae, raen ndawde miz aen ronghndwen ndeu. De coenz vah he hix mbouj gangj couh swenjyauyau hwnjdaej: “Cuet lo! Cuet lo! Ronghndwen gaenq doek roengz ndaw cingj bae lo!”

Duzlingz hung youq henz bya dingqnyi le, gipmuengz sam yamq gyoeb guh song yamq buet gvaqdaej, iet gyauej yawj haeuj ndaw cingj bae, de yawjraen aen ronghndwen youq gwnz raemx lienghlili、nduenndindi, hix sing lauxlaenglaeng hemq hwnj—daej: “Caen dahraix! Ronghndwen doek roengz ndaw cingjraemx bae lo!”

Gyoengq duzlingz youq seiqhenz dingq ndaej nyi le, hix gipgip muengzmuengz bin faex gaemh nyengx comz gvaqdaej yawj.

Gyoengq duzlingz doengzdoi iet gyauej yawj haeuj ndaw cingjraemx bae, gyoengqde ngonz raen aen ronghndwen caen youq gwnz raemx, hix swenjetget hwnjdaej: “Baenzlawz guh? Baenzlawz guh? Ronghndwen doek roengz ndaw cingjraemx bae

dahraix lo!”

Gyoengq duzlingz benz hwnj gwnz gofaex henz cingj bae. Duzlingz hung dauqdingq venj youq gwnz gofaex, rag din duzlingz wnq, duzlingz neix hix dauqdingq le rag din duzlingz wnq. Gyoengq duzlingz couh baenz—neix duz rag duz, itcig dauqdingq daengz ndaw cingjraemx bae, duzlingz iq dauqdingq youq ceiq baihlaj.

Duzlingz iq iet song faj fwngz roengz ndaw raemx bae lauz ronghndwen, ronghndwen couh sanq deuz mbouj raen le. Duzlingz iq lij siengj caiq lauz baez ndeu.

Duzlingz geq daj gijgyae ganj daej, baez yawj couh rox gyoengq duzlingz caen duz rag duz yaek lauz ronghndwen. De baegfofo caemhcai riuhehe gangj naeuz: “Mbouj yungh lauz le! Mbouj yungh lauz le! Aen ronghndwen lij venj youq gwnzmbwn ndei baenzmaz bae ne! Gij ‘ronghndwen’ ndaw cingj mbouj dwg caen ronghndwen, cij mbouj gvaq dwg gij ngauez ronghndwen ndwi. Caiq—gangj, danghnaeuz ronghndwen caen doekroengz ndaw cingj, gyoengqsou



Mbwn lamz bya heu raemx saw gyaunde raeuh.

Yizmingz ingj

youh baenzlawz youq ndaw haemh yawjraen doxgaiq? Ndigah, baezlaeng miz maz saeh, au uk bae ngeix gonq menh guh.”

Gyoengq duzlingz baez ngienx—gyauej yawj hwnj gwnzmbwn bae, raen aen ronghndwen lij venj youq gwnz—mbwn dahraix, caezgya najmong gag riu, duzlingz iq doiq duzlingz geq naeuz: “Daxgoeng, mwngz gangj ndaej

deng, baezlaeng gou rox bungz maz saeh ngeix gonq cij guh. Mboujcai baenzneix simgaenj lo.”

Duzlingz hung riunyumnyum naeuz: “Gangj dauqdaej, couhsuenq aen ‘ronghndwen’ ndaw cingjraemx dou lauz ndaej hwnj, youh baenzlawz venj de dauq hwnj gwnzmbwn ne?”

Gyoengq duzlingz dingqnyi gij vah de cungj angqriu hwnjdaej.